

英廉奏疏

(二)

英廉特爾慶阿跪

奏為叩謝

天恩仰祈

聖鑒事竊於本年六月十七日接准兵部火票遞到

軍機處交發荷蒙

聖主恩施

賞給奴才英廉特爾慶阿

福字荷包銀錢銀鏤食物等項奴才等當即恭設香

案望

闕叩謝

天恩祇領伏思奴才受

恩深重毫無報效正在畏懼間復蒙

逾格恩施

賞給_努英廉特爾慶阿

福字荷包等物誠乃

鴻慈_努等惟此

重恩頂戴於首一切事宜留心奮勉以期仰報於萬

一所有_努等感激下忱謹恭摺叩謝

天恩伏乞

皇太后

皇上聖鑒謹

奏

光緒二年七月二十五日具

奏十一月十八日接到原摺

軍機大臣奉

旨知道了欽此

英 跪

奏為塔城採買馬匹實難遵照部議追賠浮價銀

兩仍懇

天恩俯准實用實銷恭摺具陳仰祈

聖鑒事竊^等現准兵部咨開本部具奏內閣鈔出塔

爾巴哈台參贊大臣英廉奏報銷動用正雜銀

兩數目及採買馬匹等項請按市價開銷各摺
片光緒二年六月初二日軍機大臣奉

旨戶部議奏單一件片二件併發欽此欽遵到部茲

據戶部片稱該大臣所奏採買馬匹鞍韉等件

請按市價開銷之處應由兵工二部核議鈔片
知照前來臣等查該大臣原奏內稱採買駝馬

牛隻車輛蒙古包等項現因塔城人民未復俱
係俄羅斯安集延等商販賣迴與本屬採辦不
同當此前敵軍務方殷軍火餉銀絡繹轉運應
置安臺駝馬等項斷不敢因時勢艱難稍涉拘
泥致有貽誤而餉項支絀亦莫不力求節省懇
請飭部覓核例價准其實用實銷等語臣等查

同治六年科布多採買馬匹係按例價八兩核減二成每匹實給銀六兩四錢嗣於同治十三年科布多採買戰馬每匹請照市價十二兩核銷經臣部奏准給價八兩毋庸減成又是年及光緒元二等年伊犁哈密定邊奉天吉林黑龍江等處買馬請給價十二兩暨十兩九兩八兩

不等均經臣部援案議令統照正價八兩開支
毋庸減成分別奏咨各在案是塔城等處買馬
原應查照正價八兩核減二成辦理前因各該
處馬匹缺乏採買不易經臣部奏准按正價支
給毋庸減成已屬格外體恤今該大臣奏請免
核例價准其實用實銷雖因採買不易恐誤要

需起見究屬漫無限制相應請

旨飭下該大臣將此項採買馬匹遵照臣部奏案按
每匹正價八兩支銷免其再減二成毋得按照
市價開報以昭核實等因一摺於光緒二年七

月初九日奏奉

旨依議欽此並曾准兵部咨此次塔爾巴哈台採買

能
大同營練兵馬二百匹自應援照各成案每匹
准銷實銀八兩以歸畫一並鈔錄前次本部具
奏科布多及吉林等省各奏案咨行遵照辦理
各等因准此等伏查塔城兵燹之餘辦理各事
皆同創始前任參贊大臣富和到任時安設臺
站皆係發價雇覓俄羅斯所屬哈薩克駝馬供

差迨^等到任後查看情形不獨利為人得駝馬
終歸烏有抑且勒價居奇受其挾制當經據實
具奏欽奉

諭旨飭下烏里雅蘇台將軍參贊大臣派員按照市價
採買塔城安臺駝馬嗣因繞越俄界改道加臺
採買需用駝馬等項並卡倫等處馬匹及分練

大同營馬隊馬匹均經督就近招集俄屬安集
延等夷商多方勸諭按照市價從減每馬一匹
給銀十一兩至本年夏間買補被賊搶擄木呼
爾岱等臺駝馬等項仍照前價駝每隻銀二十
四兩馬每匹銀十一兩已屬極力撙節且該夷
商向係於駝馬貨物出售後即回本國實非與